

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 1060902 23 I
Sarajevo, 01.04.2026.godine

Općinski sud u Sarajevu, sudija Milada Mumović, u izvršnom postupku tražioca izvršenja izvršenja INTESA SANPAOLO BANKA DD BOSNA I HERCEGOVINA, ulica Obala Kulina bana broj 9a, zastupana po punomoćniku Advokatsko društvo Arslanagić Elmir & CO doo Sarajevo, protiv izvršenika E.S., Sarajevo, radi izvršenja na nepokretnostima, van ročišta dana 01.04.2026. godine, donio je slijedeći

ZAKLJUČAK

Određuje se ročište za prvu javnu prodaju za dan utorak, 12.05.2026. godine, u 10,00 h i to;

- Suvlaničkog dijela nekretnine izvršenika označene kao k.č.br. 45/5, zvana „Pod barom“ u naravi livada druge klase, površine 207m/2, upisana u zk uložak broj 2761 k.o. Dolac, u vlasništvu izvršenika sa dijelom 1/3, koja se nalazu u Sarajevu, ulica Hameda Hodovića 47.

Javno nadmetanje održat će se u prostorijama Općinskog suda u Sarajevu, soba broj 438/IV – Izvršni odjel ovog suda.

1. Konstatuje se da je vrijednost cjelokupne nekretnine procjenjena na iznos od 18.901,17 KM, a utvrđena nalazom stalnog sudskog vještaka poljoprivredne struke Dr. Selim Škaljić iz Sarajeva, od 05.02.2026. godine.

Predmet prodaje je suvlasnički dio izvršenika od 1/3, **čija vrijednost iznosi 6.300,39 KM.**

2. Na prvom ročištu za javno nadmetanje suvlasnički dio nekretnine izvršenika se ne može prodati ispod 1/2 (jedne polovine) utvrđene vrijednosti koja je navedena u tački 1.ovog zaključka, što iznosi **3.150,19 KM.**
3. Potencijalni kupci su dužni položiti osiguranje u iznosu od 1/10 određene vrijednosti nepokretnosti koja je navedena u tački 1. ovog zaključka, odnosno u konkretnom slučaju **315,01 KM** i o tome pružiti dokaz sudu prije otvaranja ročišta.
 - a. Uplata osiguranja se vrši na depozitni račun suda kod BOSNA BANK INTERNATIONAL DD broj 1411965320009639
4. Ponuđačima čija ponuda nije prihvaćena osim za 3 (tri) najbolja ponuđača, vratit će se osiguranje odmah nakon zaključivanja javnog nadmetaja.

5. Najbolji ponuđač – kupac je dužan da kupoprodajnu cijenu po kojoj je nekretnina prodana položi sudu u roku od 30 dana, računajući od dana prodaje. Ako kupac u tom roku ne položi cijenu prodaja će se proglasiti nevaljanom i novim zaključkom odrediti da je nepokretnost prodana drugom po redu ponuđaču koji treba po prijemu tog zaključka sudu deponovati prodajnu cijenu u roku od 30 dana. Ukoliko drugi ponuđač ne položi cijenu u ostavljenom roku sud će nekretninu ponuditi trećem ponuđaču pod istim uslovima.
 - a. Ako kupci u ostavljenim rokovima ne polože prodajnu cijenu, sud će oglasiti da je prodaja neuspjela i odredit će novu prodaju. Ova pravila se primjenjuju i u slučaju odustanka trećeg ponuđača.
6. Poreze i takse u vezi sa prodajom nekretnine snosi kupac ukoliko se stranke drugačije nisu dogovorile.
7. Ovaj zaključak objavit će se na oglasnoj ploči suda.

Stranka može o svom trošku objaviti zaključak o prodaji u sredstvima javnog informisanja, odnosno da o zaključku obavijesti lica koja se bave posredovanjem u prodaji nepokretnosti. Stranke se mogu sporazumjeti da se prodaja navedene nekretnine izvrši i neposrednom pogodbom do otvaranja ročišta za javno nadmetanje.

SUDIJA
Milada Mumović

POUKA: Protiv ovog zaključka nije dozvoljen poseban pravni lijek.